

Kristo en Jaloch



- Nitie loch maduong' e wi jochiende.
- Kik ilam jamiriambo, Satan kata jochiende.
- Ji duto yudo kum ma nyaka chieng' moyie rwako “kido mar ondiek” e luetegi kata e lela weneggi mondo eka gini ng'iepi kata giusi.

Kristo en Jaloch

Satan, onyis tiende e bug Nyasaye kaka “wuod loch mar pinyi” en e jasik Nyasaye maduong’ kendo en bende e chwech maduong’ mane Nyasaye okwongo chweyo kuom ji. Wan dhano wan e paw lweny mojwang’o. Lweny lich e kind Kristo gi Satan. Nyaka wayier e kind ji ariyogi ruoth mochwere. Kristo ma Jachwech, Emmanuel (Nyasaye ni kodwa)-kata Satan, mane ochwe ma jatelo mar ng’anyo duto ne Nyasaye. Kuom thone gi chierne Kristo noloyo lweny malich ne jogo duto ma noyie kuom nyinge.

Satan temou gi yore mang’eny mondo owuond ji kendo ochikgi e yore mobam. Lemo e yo makende. Kristo ma Jachwechwa ema owin-jore alama. Wayangre gi ng’a ma walamo. Satan temo mar mako oganda e piny ngima kuom (1) Dak mokwedore gi Nyasaye. (2) Winjo jochiende. (3) Lamo ng’at ma wuon richo. (4) Lamo kido maket (5) Ranyisi manie ringruok madwarore ni mondo ing’iew kata iloki (6) Tang’ ne magi duto.

—Watson Goodman (1920-2002)

NYASAYE NE OK OCHUEYO JASIGU

1

*Nyasaye ne ochueyo Lucifer
mondo obedie e kama
duong' e polo*

“...Ruoth Nyasaye owacho kama, In gi rieko mang’eny, berni onge gi mbala, onge moromore kodi. Nidak e Eden, ma puoth Nyasaye; gi bidhruok ma nirwakorigo ne gin kite ma nengogi tek, sardio, topaz gi alimasi, berul, tigo maradier, jasper, safir, zumaradi, gi tigo mando, gi dhahabu: nilony gi tich loso nyiduunge gi asele; chieng’ ma nochweyi nolosgi.”

*Nobedo but kom duong'
Nyasaye*

“Nibedo kerub mowir gi mo ma-

umo piny, kendo naketi kamano nibedo e got maler mar Nyasaye; isewuotho koni gi koni e dier kite mag mach.”

Nochueye makare

“Nibedo ng’ a makare e yoreni nyaka a ndalo ma nochweyi, nyaka ne ginwang’ o tim ma ok kare kuomi.”

Nyasaye golo richo oko

“Nikech jo maloko ohala kuomi ng’eny, ne gikelo miero mang’eny kuomi pile pile, kendo iseketho; e momiyo asegoli e god Nyasaye, ka ng’at mokethore, kendo asenegi ka goli kuom kite mag mach, yaye kerub maumo piny.” –Ezekiel 28.12-16

2 ANG'O MOMIYO LUCIFER NE OTIMO RICHO

Sunga e motelo ni nek; ng'a ma sungore obiro podho.

—Ngeche 16.18

“Nisungori e chunyi nikech ber mari, iseketho riekoni kipakori kuom lerni: to asegoyi piny, asepieli e nyim ruodhi, ni mondo gineni.”

—Ezekiel 28.17

Gi ma ochomo Jang'anyo

“Isedwanyo ut sang'tuari magi, kuom timo tim mamono mang'eny, kendo kuom loko ohala gi tim mak owinjore; e momiyo asemiyi mondo ikudh mach kuomi iwuon, osewang'i motieki, kendo asetimi buru e piny, e nyim jogo duto maneni.

Jogo duto ma kuom ogendini mong'eyi, nowuori: gi motimore kuomi osebwogo ji, mi ok nibedie kendo.”

—Ezekiel 28.18, 19

Chuech moro amora ni e bwo Jachuech

Tiuru ni Jehova kumor: Biuru e nyime kuwer. Mondo ung'e ni Jehova en e Nyasaye: en e ma nochweyowa, kendo wan e joge: wan e joge, kendo rombe mag lege.

—Zaburi 100.2, 3

Luoro Jehova en chakrwok mar rieko; jo ma timo kamano weche donjonigi maber: Pakne osiko nya-ka chieng’.

—Zaburi 111.10

SATAN NENE OYIERO MONDO OCHUNG' KAR KENDE

3

Dwarone opogore gi dwarz Nyasaye

“Yaye sulwe mar ratego, wuod okinyi, iseluar a e polo manadi! oseng’oli piny, in ma nibeto ogendini kaka yien. Kendo niwacho e chunyi ni, ‘Anaidh nyaka polo, anaket komruodha malo moloyo sulwe mag Nyasaye; mi nabed e got chokruok e kuonde yo masawa man ku mabor, mogik: Anaidh malo moloyo boche polo ma malo; anachal gi Wuon Polo.’”

Otiyo tich ketho piny

“To kata kamano noteri kar jo motho, e kuonde liel man ku

mabor. Jo maneni ginirangi anona, ginipari, ka giwacho, Jali e en ma nomiyo piny tetini, ma noteng’o pinje ruodhi; ma notimo piny thim, ma nomuko miechgi madongo; ma ne ok oyie wasumbini mage moyak dok thurgi?”

Nyasaye osin kode

“Ruodhi duto mag ogendini, gi-duto pep, ginindo gi duong’, ruoth ka ruoth e liende owuon. To in ose-witi oko, mabor gi liendi, kaka thuok yath ma ji singo, kitundini mag jo moneg giumi, ma ligangla nochuwogi mbure, machopo ka ma bur otimo kite....” –Isaiah 14.12-19

4 BEDO MAONGE GI GENO KUOM NYASAYE EN THO

Kuom Lucifer mokuongo

(Anaiddhi nyaka polo, anaket kom-ruodha malo moloyo sulwe mag Nyasaye, anaiddh malo moloyo boche polo, anachal gi Wuon Polo.)

Nowachonigi niya, “Naneno Satan ka lwar a e polo, kaka mil polo.”

–Luka 10.18

Kuom malaika mane oluwo Satan

...Nyasaye ok noweyo malaika ma notimo richo, to nowitogi e Gehenna, mi noketogi e bugini motimo mudho, ka ma oritogie nyaka chieng’ bura.

–2 Petro 2.4

Kuom joma Satan nyalo wuondo

Ok onego obed japoya, dipo ka

sunga omake, mit burano ma noloyo Satan loye bende.

–1 Timotheo 3.6

Satan okawo loch e wi dhano

...Nimar ng’ato bet misumba ginno moloye.

–2 Petro 2.19

Polo nyaka bed mana gi dwarzachiel kende-dwach Nyasaye

Kik uluw tim pinyini, to lokreuru ka parou doko manyien; eka ununyal ng’eyo gino ma Nyasaye dwaro-en gi maber, malong’o, molony.

–Jo Rumi 12.2

Gehena nobed gi dwarzachiel mang’eny ahinya ma monore nyaka chieng’.

ADIERA MAR NYASAYE NEYUDO ALAM KUOM JANG'ANYO

5

“An Jehova Nyasachi, ma nogoli e piny Misri, e od misumbini. Kik ubed gi nyiseche moko nyima.”

—Rapar mar Chik 5.6, 7

Miuru Jehova duong’ mowinjore gi nyinge: Keluru mich, kendo ubi e nyime: Lamuru Jehova gi bidhruok maler.

—1 Weche mag Ndalo 16.29

To Yesu nowachone niya, “Aye, Satan; nikech nondiki niya, ‘Ruoth Nyasachi ema ni lam, kendo en kende ema nitine.’”

—Mathayo 4.10

Eka napodho e tiende mondo alame. To nokwera ni, “Ngang’!

Kik itim kamano! An jatich wadu, ma tiyo kodi gi oweteni ma doko joneno kuom Yesu. Lam Nyasaye....”

—Fweny 19.10

Biuru, walam, wakulre; wago chongwa piny nyim Jehova Jachwechwa.

—Zaburi 95.6

(Som Chakruok 1.27.)

Jok mowuondi lamo Jang’anyo
... Mi piny ngima ne luwo bang’ Ondiegno, ka giwuoro lichne. Ji ne lamo Thuol nikech nomiyo Ondiek tekone; kendo ne gilamo Ondiek bende, ka gi wacho niya....

—Fweny 13.3, 4

KIK ILAM JASIK NYASAYE

*Satan kod jochiende gombo
mondo olamgi*

Eka Satan notere e got mabor ahinya, monyise pinjeruodhi duto mag piny gi duong'gi; mi nowachone niya, "Gigi duto anamiyi, kipodho ilama." –Mathayo 4.8, 9

To jo modong', ma ne ok masichego onego, ne ok oloko chunygi oa kuom tich luetegi, kendo ne ok giwego lamo jochiende, gi nyiseche manono molos gi dhahabu, kod fedha, gi mula, gi kidi, kod bao; ma gin gik ma ok nyal neno, kata winjo, kata wuotho.

–Fweny 9.20

*Nyasaye tieko joma
lemo kamagi*

...To adhonde maricho kendo malit nomako jogo man gi kido mar Ondiek, kendo ma lamo gi maket kode....Kendo ng'ato ka ng'ato nong'adne bura gi gik ma notimo. Eka Tho gi Kar Jo Motho ne owit e ataro mar mach. Ataro mar mach en tho mar ariyo.

–Fweny 16.2 gi 20.13, 14

An Jehova; ma e nyinga: duong' maler ma ango ok anami ng'at moro, ok anayie kit gik moko mo pa guyud pakna.

–Isaiah 42.8

MALAIKA MAG KRISTO GI MALAIKA MAG SATAN 7

Malaika mag Nyasaye ni gi teko moloyo malaika mag Satan

Pakuru Jehova, un jomalaika mage: Un jo man gi teko maduong', ma timo kaka owacho. Ma winjo dwond wachne. –Zaburi 103.20

Eka Iweny nowuok e polo; Mikel gi malaikane ne keto gi Thuol. Thuol gi malaikane bende nokedo Iweny, to ne ologi....

–Fweny 12.7, 8

Malaika maler mag Nyasaye ng'iyo kendo rito jo Nyasaye
To donge malaika duto gin chuny mioro mondo oti tich mar konyo

jo ma biro yudo warruok?

–Jo Hibrania 1.14

Nimar nomi jomalaika mage chik kuomi, mondo giriti e yoreni duto.

–Zaburi 91.11

Malaika mag Satan (jochiende)
dwaro mondo oter
dhano e gehena

“...Okawo jochiende moko abiriyo maricho moloye....”

–Luka 11.26

To Roho wacho maler ni e ndalo giko jo moko nowe yie marwa, ka gichiko itgi ni chuny ma miyo ji lal, kendo luwo puonj mar jochiende.

–1 Timotheo 4.1

NG'A KOD ANG'O MA SATAN OK DWAR MOLOYO?

Dhano, mochue e kit Nyasaye

Ka ne pod obiro ire, jachien nogoye piny, momiye kirni. To Yesu nokwero jachien marach, nochango nyathino, eka nodwoke ni wuon mare.

—Luka 9.42

*Anyuola ma en gweth mar
Nyasaye*

“Nagwedh jogo magwedhi, kendo nakwed jalo mokwedo: kuomi dhoudi duto mag piny noyud hawi.”

—Chakruok 12.3

*Kristo (Nyasaye e ringruok) gi
warruok moa kuome owuon
kendo kuom rembe maler*

Eka Herode... mirima nomake

ahinya, mi nooro ji monego nyithindo mayawuowi duto man Bethlehem... kochakore kuom jo higini ariyo ka dok chien, koluware gi ndalo ma nonono kuom jo mariekgo.

—Mathayo 2.16

Wach Nyasaye—Satan pingo

“...Nyasaye osewacho...?” Mi thuol nowacho ni dhako, “Ok unu tho ngang’.”

—Chakruok 3.1, 4

*Joma oyie monyuol
kuom Roho*

... Nikech jasiku, Satan, bayo ka sibuor ma goyo asumbi, kodwardo ng'a ma dongam.

—1 Petro 5.8

SATAN, JAKETKORE

9

*Oketokore ni en gi alama mar
bedi wuon gik moko*

Gi ma okwedi ok nobedie kendo;
to kom duong' mar Nyasaye gi
mar Nyarombo e mantie kanyo,
kendo jotichne nolame. Ginine
wang'e, kendo nyinge nobed e lela
wang'gi.

—Fweny 22.3, 4

(*Ne keto kor mar Satan p. 35.*)

Opimore gi jotich Nyasaye

Jo ma kamago gin joote ma ria-
sore, jotich ma wuondo, ma timo-
re ka joote mag Kristo. To ok en gi
miwuoro, nikech kata Satan
owuon timore ka malaika mar ler.

—2 Jo Korintho 11.13, 14

Oloko injili gi miriambo

Awuoro ka ua piyo, uweyo Jal ma
noluongou kuom ng'wono mar
Kristo, udhi e wach maber ma-
chielo. Wach maber machielo onge;
to nitie jo moko ma chandou, ka
gidwaro ketho Wach Maber mar
Kristo.

—Jo Galatia 1.6, 7

*Honni mag Nyasaye gi honni
mag miriambo*

(*2 Thess. 2.9; Fweny 13.13, 14; 19.20*)

*Kaka Kristo donjo ei joma lame
maradieri, e kaka jok malamo
Satan be Satan donjo kuomgi.*

A Jehova Nyasachwa, ruodhi
moko, ma ok in, osebedo gi loch
kuomwa....

—Isaiah 26.13

Nyithindo, ritreuru kuom nyiseche manono. —1 Johana 5.21

“Kik ibed gi nyiseche moko nyima. Kikilosni kido mopa moro, kata gi moro maket gi gimoro ma ni e polo malo, kata ma ni e piny mwalo, kata ma ni e pi tiend piny: kik ikulrinigi kata tiyonigi: to an Jehova Nyasachi, an Nyasaye ma janyiego, ma chulo kuor kethruok mar kweregi kuom nyikwagi, nyaka tienge adek kata ang’wen mag jo mochaya.” —Wuok 20.3-5

Nyiseche manono gin ketho e nyim Nyasaye kendo misango

mar dhano Nyasaye odagi
“Ketho to unukethi kwonde duto
ku ma ogendini mubiro kawo no
tiyo ni nyisechegi, kuom gode ma
boyo, kendo kuom thuche, kendo e
tiend yien duto mang’ich. Ritri ni
kik hoyi mar luwo bang’gi, bang’
ka osekethgi ae nyimi....Kik
mondo itim ni Jehova Nyasachi
kamano: nikech duto mobedo tim
makwero ni Jehova, mosin godo, e
ma gisetimo ni nyisechegi; ma
kata yawuotgi gi nyigi gi wang’o e
mach ni nyisechegi.”

—Rapar mar Chik 12.2 gi 30, 31

Remb Kristo luoko richo oko.

LAMO NYISECHE MANONO

11

Rach mar lamo nyiseche manono

Adiera mar Nyasaye ne giloko miriambo; ne gilamo, kendo ne gitijo ni gi ma nochue, kar lamo Jachuech mipako nyaka chieng'. Amina. –Jo Rumi 1.25

To Nyasachwa ni e polo: Osetimo duto ma long'one. Sanamu maggi gin fedha gi dhahabu, ma tich lwet ji. Gin gi dhok, to ok giwuo; wenge gin go, to ok ginен; gin gi it, to ok giwinji; um gin go, to ok ging' wechi; gin gi lwete, to ok gimeki; tiende gin go, to ok giwuothi; kata wuoyo gi dwondgi. Jo ma chweyogi nochal kodgi; ee, ng'ato ka

ng'ato mogenogi. –Zaburi 115.3-8

Lamo nyiseche manono en lamo Satan

...Weuru lamo nyiseche manono. Ooyo, awacho ni gik ma jo ma ok oyie timogo misango gitimogi ni jochiende, ok ni Nyasaye. Ok adwar mondo ulalru kod jochiende.

–1 Jo Korintho 10.14 gi 20

Kum mar lamo nyiseche manono

“...Gi joma lamo nyiseche manono...kargi nobed ataro ma liel gi ligek mach; ma en tho mar ari yo.” –Fweny 21.8

NYASAYE OKWEDO LAMO KIDO MANONO MOTHEDHI

*Kik nyiseche manono gi
bed e odi*

“Kendo enochiw ruodhggi e lueti, mi nimi nyingga lal nono e bwo polo; onge ng'a ma nonyal chungo e nyimi, nyaka nitiek kethogi. Gik mopa maket gi nyisechegi unu wang' gi mach: kik ugomb fedha kata dhahabu man kuomgi, kata kawogo mari, di po ka ohoyi godo: nikech en gi mokwer ni Jehova Nyasachi: kata kik ikel gi mokwer ei odi, mar bedo gi mokwedi ma chal kode.” –Rapar mar Chik 7.24-26

*Ang'o momiyo ndalo mane
Kristo ne nie piny jochiende ne*

*omako ji mang'eny? Nikech
kweregi machon ne lamo
jochiende!*

Kendo ne gitiyo ni sanamu maggi; ma nomako ng'utgi e wino: Ee, ne gichiwo yawuotgi gi nyigi ni jochiende kaka misango. E momiyo mirimb Nyasaye nojimbore kuom joge, mi chunye nosin gi gikeni mare.

–Zaburi 106.36, 37 gi 40

Kik ikulrinigi kata tiyonigi: to an Jehova Nyasachi, an Nyasaye ma janyiego, machulo kuor kethruok mar kweregi kuom nyikwagi, nyaka tienge adek kata ang'wen mag jo mochaya.

–Wuok 20.5

“Kik we jajuok madhako obed mangima.”

–Wuok 22.18

“Kik ulokru ir jogo man gi jo chiende, kata kuom jojuogi, kik udwargi mondo gichidu....”

–Tim Jo-Lawi 19.31

Kendo nang’ad oko tim duto mag juok oa e lueti; mi ok nibed gi mirieri.

–Mika 5.12

“Nikech ng’anyo ochalo gi keth mar tim juok, kendo wich teko ochalo gi tim mamono kod lamo gik maket. Nikech isedagi wach mar Jehova, en bende osedagi ni kik ibed ruoth.”

–1 Samuel 15.23

“To kisechopo e piny ma Jehova

Nyasachi omiyi, kik mondo upuonjru tim makwero machalo kaka ogendinigo timo. Kendo kik yud ng’ato moro e kindu mamiyo wuode kata nyare kadho e mach, kata jakor, kata jambofwa, kata jadil, kata jandagla, kata ajuok nyakolondo, kata japenj jochiende, kata jajuok, kata jadwar wich mar jo motho. Nikech ng’ato manade matimo magi obedo ng’a mikwedo e wang’ Jehova....”

–Rapar mar Chik 18.9-12

Dwaro wich mar jo motho: Rieko mar koro weche mabiro timore kitioygi yore mag ajuoge.

14 KORO WACH GI KONY MAG JOCHIENDE

*Nyasaye okwedo jonon polo,
honni manono kod saro
ringruok*

“Kik ucham gimoro gi rembe:
kata kik utim tim kingo kata koro
weche. Kik usar ringreue nikel
jomotho, kata kik uket kido moro
kuomu: An e Jehova.”

—Tim Jo-Lawi 19.26 gi 28

“To un to, kik uwinj jonabi mau,
kata josepeu, kata lek muleko,
kata ajuokeu, kata jo yien mayore
yore, mawachonu....”

—Yeremia 27.9

“...Mi nadok janeno maruyore
kuom jomirieri, kuom jo materore,
kendo kuom jo makuong’ore miri-

ambo; kendo kuom jogo ma mayo
jatich pokne.” —Malaki 3.5

To terafim owacho weche ma
nono, kendo ajuoke oneno miri-
ambo; ne gihulo lek mag miri-
ambo; gihochi kayiem nono....

—Zekaria 10.2

Gen Jakwath Madieri

[Yesu nowacho,] “Kik chunyu pa-
rore. Uyie kuom Nyasaye, an bende
yieuru kuoma.” —Johana 14.1

Jakor: Koro wach mabiro timore kata
ma inyalo ng’eyo kuom miriambo.

Timbe ajuoke: Chunje mag jochiende
ema itimogo mirieri kod juok.

KWED YOR DINDE MACHAL KAMAGI DUTO 15

***Bedo maler kuom Nyiseche
maonge kuom Roho***

Kendo ka giniwachnu, “Penjuru
jogo man gi sepegi, kod ajuoke, ma
jajini,” madhum: ok digidwar
Nyasachgi koso?... –Isaiah 8.19

***Tiyo gi fuonde mag del, gik
mopa (sanembe)***

“Ni mar ruodh Babulon
nochung’ e akak yo, ka ma yo
okagore, mondo okonyre kothie-
dho wach: noteng’o aserini koni gi
koni, nonono terafim, norango
chuny gir misango.”

–Ezekiel 21.21

***Bedo maler kuom ludhe
Ogandana okwayo rieko kuom***

yadhgi, mi ludhgi ohulonigi: ni
kech chuny ndhogruok oselalogi,
mi gidhi gindhogore ka giweyo
Nyasachgi. –Hosea 4.12

***Kum kuom bedo jalam
jochiende***

Kamano Saulo notho nikech keth-
ne ma notimo ni Jehova, mana
nikech wach Jehova ma ne ok orito;
kendo nikech nodwaro wach kuom
ng’ato ma ja mirieri mondo openje,
to ne ok openjo Jehova wach....

–1 Weche mag Ndalo 10.13, 14

“Mi wi jonen nokuodi, kendo jo-
thiedh wach nodhier nono...nikech
dwoko wach onge moa kuom Nya
saye.” –Mika 3.7

*Jogo ma dok olokore luwo
josom sulwe*

Jehova owacho kama, Kik upuonjre tim ogendini, kik ung'eng'ni ranyis mag polo, ni mar ogendini ging'eng'nigi.

—Yeremia 10.2

Kik iyie kuom barupe kata yien mag hawi (bilo) kata ketori kuom thumbe jochiende kata pichni mochido. “**Ok nadwar gimoro ma ok ber....**” —Zaburi 101.3. We sunga, gango wach kod dinde motho.

“**Yaye, nodoknu malit...ma jogang wach!...ma nenore maber malich gi oko, to igi opong’ gi choke jo motho kod yuothruok**

duto. E kaka un bende gi oko unenore nyim ji ka jo makare, to e iu upong’ gi gango wach kod richo.” —Mathayo 23.27, 28

Derruok a kuom Jachien

Kik iyie miriambo moa kuom Satan kata jochiende ni kinegori to ia e chandruok kata e richoni! “**Kik ineki**” (Wuok 20.13.)

*Kristo kende ema nyalo
ketowa thuolo*

(Ne wang’ kalatas 48 gi 49.)

Jehova en tekona kendo en wenda, kendo osedoko warruokna: En e Nyasacha, kendo anadende....

—Wuok 15.2

Gi jokor wach ma jomiriambo

Eka Jehova nowachona, "Jonabi gikoro weche mag miriambo kuom nyina: ok naorogi, kata chikogi, kata wachonigi: gikoronu wach mar miriambo mar wach bith; githiedho weche mobiro timore, gi weche moko manono, ma giwuondorego e chunygi." –Yeremia 14.14

"Nikech jowuond nobi ma ketore ni gin Kristo, to moko ni gin jonabi; kendo ginitim ranyisi gi honini, ni mondo ka nyalore gimi jo moyier lal." –Mariko 13.22

Gi wuoyo gi joma otho

Kuom roho mar Nyasaye, Ruoth Daudi nowacho kuom wuode, "To ka

koro osetho...?An to anadhi kuome, to en ok noduogi kuoma."

–2 Samuel 12.23

Kik iwuo gi chunje mochido mak mana chikogi e nyina Kristo mondo gia. Kik iyie gi somo chuny Iwedo, riwruok mag ajuoge, bilo kod ndagla. "... To loyo lueny en wach Jehova." (Ngeche 21.31.)

Keth Sanembe gi buge Satan

To ji mathoth kuomgi bende ma notimo tim kireke nochoko kitepegi kanyachel, mi giwang'ogi nyim ji duto. Ne gikwano nengogi, monwang' oromo fedha gana piero abich.

–Tich Joote 19.19

(Som Chakruok 35.2-5.)

18 KRISTO NOCHWEYO NYODO TO SATAN NOLOKE

*Nyodo nochwe mar
kendruok kende*

Kendo ng'etno, ma Jehova
Nyasaye nokawo a e dichwo, noloso
godo dhako, ma nokele ir dichwo.
E momiyo dichwo nowe wuon gi
min, mi nopadre gi chiege:
mi ginibedi ringruok achiel.

—Chakruok 2.22 gi 24

Kend mundo ji duto omi duong',
kendo kitanda kik dwany. Nikech
Nyasaye nong'ad bura ni ndhegini
kod jo terruok. —Jo Hibrania 13.4

To kuom jo mosekendo, gi jo
mosekendi, ok an, to Ruoth e mo
chiko ni, dhako kik owe chwore; to

koweye onego osik ma ok okende,
kata mondo odog owinjre gi
chwore; kendo dichwo kik owe
chiege. —1 Jo Korintho 7.10, 11

(Som Jo Rumi 7.2; Mariko 10.9.)

Satan ema kelo wichteko

Ng'a ma timo richo en mar
Satan, nikech Satan timo richo
nyaka a chakruok....

—1 Johana 3.8

In ng'at jal ma iwinjo wachne

Donge ung'eyo ni, ka uchiworu
ni ng'ato kaka wasumbini mondo
uwinj wachne, un wasumb ng'at-
no muwinjo wachne...?

—Jo Rumi 6.16

TERRUOK GI CHODE GIN KEDO GI NYASAYE (NG'ANYO)

19

“Kik iteriri.” –Wuok 20.14

**Tim mag ringruok nenore ratiro,
e magi: terruok, dhoch, tim ma ok
ler, anjowo.** –Jo Galatia 5.19

**Ma e gi ma Nyasaye dwaro, ni
opwodhu. Weuru terruok.**

–1 Jo Thessalonika 4.3

**“Kendo ng’at moterore gi chi
ng’ a machielo, kata en moterore gi
chi owadgi, dichwogno moterore
kendo dhakono moterore, nek to
no neggi.”** –Tim Jo-Lawi 20.10

Richo mitimo ne ringri

**...Ringruok ok obedo ni ter
ruok, to ni Ruoth; kendo Ruoth
obedo ni ringruok. Ok ung’eyo ni**

**ringreu gin fuond Kristo?
...Weuru terruok. Richo mamoko
duto ma ng’ato timo gin oko mag
ringruok; to ng’ a ma terore
oketho ringre owuon.**

–1 Jo Korintho 6.13, 15 gi 18

***Jonyuol mondo ogeng’
richo chode***

**Kik iyie nyari orochore mondo
olu tim ndhaga, mundo kik piny
opodhi kuom terruok, kendo piny
opong’ gi richo.** –Tim Jo-Lawi 19.29

Chode: Chode en bet e achiel mar
jogo ma pok okendore.

Terruok: Terruok en bet e achiel gi
jalo mose kendi kata mose kendo.

Kaka ji duto tho e i Adam, ka mano bende nomi ji duto doko mangima e i Kristo.

–1 Jo Korintho 15.22

E momiyo, kaka nyithindogo ni gi ringruok mar dhano, e kaka Yesu bende nokawo ringruok mar dhano. Notimo kamano mondo kuom thone oketh loch mar jal man gi teko mar tho, tiende ni Satan, kendo ogony jogo ma ndalo duto mag ngimagi luoro mar tho otueyogi misumba.

–Jo Hibrania 2.14, 15

... Wuod Nyasaye nofwenyore nikelch wachni, mondo oketh tich Satan.

–1 Johana 3.8

Nomayo jolocho kod joteko gi lwenjegi, kendo nomiyogi wich kuot, ka nomiyo ji oneno ratiro ni oseloyogi chuth e msalaba.

–Jo Kolosai 2.15

En poruok marwa kuom Kristo

Nowarowa kendo noluongowa mondo wabed jo maler, ok nikelch wasetimo gimoro maber, to kuom dwarone kod ng'wonone. A nyaka nene nochano mondo wayud ng'-wonono kuom Kristo Yesu, to koro oseele kuom fwenyruok mar Ja warwa Kristo Yesu e piny. Kristo e mosetieko tho, kendo osenyisowa ratiro kuom Wach Maber ni ngima ma nyaka chieng' nitie.

–2 Timotheo 1.9, 10

...Nikech jasiku, Satan, bayo ka sibuor ma goyo asumbi, kodwaro ng'a ma dongam. Tameuru ku-chung' matek e yie....

—1 Petro 5.8, 9

Rwakuru gi lwenje duto mag Nyasaye, mondo unyal tamo wuond mariek mag Satan. Nikech wa sikwa mwakedogo ok gin ringruok gi remo, to wakedo kod joloch, gi joteke, kod ruodhi mag piny mar mudhoni, kod lang chuny maricho ma ok mag pinyi....Mondo ubed gi teko mar siro e ndalo marach, kendo kusetimo duto, to mondo uchungi....Rwakuru tim makare kaka irwako gi lwenje mag akor, kendo rwakuru ikruok mar yalo

Wach Maberno mar kuwe e tiendu. To moloyo magi duto, makuru yie kaka okumba, ma unyalo negogo aserini makakni mag Ng'a Marachno. Rwakuru warruok ka ka ogudu, kendo makuru ligangla mar Roho, ma en Wach Nyasaye. Keturu chunyu e lamo kod sayo, kulamo kinde duto kuom Roho. Ritreuru ni wachni....

—Jo Efeso 6.11-18

E momiyo winjuru Nyasaye; to tamuru Satan, mi noringu.

—Jakobo 4.7

...Nikech jal [Kristo] manie iu oloyo jalo [Satan] manie piny.

—1 Johana 4.4

Gimomiyo Satan ringo: Nikech Kristo nie iy!

LOCH KRISTO

En e dwond Nyasaye

Nyasaye...to e giko mar ndalogi
Wuowi osebedonwa wach Nyasaye
 wuon. En e ma Nyasaye nokete obed
 wuon gik moko duto, kendo en e ma gik moko duto nochue
 kuome.

—Jo Hibrania 1.1, 2

Ne giwuoro ngang' puonjne, ni kech nopounjjo kaka ng'at man gi teko, to ok kaka jondiko.

—Mariko 1.22

Wan to, wan gi Nyasaye achiel, e Wuoro; ma gik moko duto oa kuome, kendo wantie nikech en; kendo nitie Ruoth achiel, Yesu Kristo, momiyo gik moko duto

nitie, kendo omiyo wantie.

—1 Jo Korintho 8.6

“Kendo oseemiye teko bende mar ng'ado buru, nikech en Wuod dhano.”

—Johana 5.27

Mosedhi e polo, ma bet kor bat marachwich mar Nyasaye, koket malaika gi loch gi teko owinje.

—1 Petro 3.22

Gi ma omiyo Kristo notho, mo chier odoko mangima kendo, en ni mondo obed Ruodh jo motho gi jo mangima.

—Jo Rumi 14.9

Yesu nobiro irgi, mokonigi niya,
 “Teko duto e polo gi piny ose-miya.”

—Mathayo 28.18

Nochiewo, mokwero yamo, ko wacho ni nam niya, "Ling! Pie!" Eka yamo nogik, mokue thi.

—Mariko 4.39

Ne ochango gi loch

"To mondo ung'e ni Wuod dhano ni gi teko e piny mar weyo ni ji richo," noko ni jaathany ni, "Awachoni niya, chungi, ting' pieni, idhi odi." Eka nochungo, moting'o piene, mowuok e nyimgi duto; omiyo giduto ne giwuoro, kendo ne gimiyo Nyasaye duong'....

—Mariko 2.10-12

Nobiro momako Iwete, mo-chunge. Eka midhusi noweye, mi notiyonigi.

—Mariko 1.31

Kristo golo jochiende oko Jachien marach nokirni, mokok gi dwol maduong', noa kuome. Ne gi hum giduto, mi ne gipenjore kendgi niya, "Ma to ang'o? Ma e puonj manyien manadi! Ochiko gi teko kata jochiende maricho, to giwinje."

—Mariko 1.26, 27

Ne ochiero joma otho gi loch maduong'

Nosudo machiegni, momulo thigo; to jo ma noting'e nochung'. Nowacho niya, "Wuowi, awacho ni, chungi." Ng'a motho noa malo, mochako wuoyo. Eka nochiwe ni min mare.

—Luka 7.14, 15

24 KRISTO CHIWO TEKO NE JOLUPNE KENDO TEKO MAR LOYO TEKO DUTO

“Asemiyou teko mar nyono nam;’ ka ok oriwo gi kiawa e chunye, to oyie ni gi mowacho notimre, enobedne kamano.”

–Luka 10.19

Eka noluongo ji apar gariyogo kaachiell, momiyogi nyalo gi teko kuom jochiende duto, kendo mar chango tuoche.

–Luka 9.1

“Adier, adier, awachonu, ng’at ma yie kuoma, tije matimo, en bende notim....”

–Johana 14.12

“Adier awachonu niya, ng’ a ma nowach ni godni ni, ‘Pukri, iwitri e

–Mariko 11.23

Anyalo timo gik moko duto kuom en ma miya teko.

–Jo Filipi 4.13

Yesu noluwone niya, “Ikelo nadi wacho ni, ‘Kinyalo’? Duto nyalore ni ng’ a moyie.”

–Mariko 9.23

Gi duong’ mokadho awacha mar tekone kuom wan jo ma yie. Mano e kaka tich mar tekone maduong’ obet.

–Jo Efeso 1.19

KAKA WANYALO GOLO CHUNY MOCHIDO 25

Kwergi kendo chikgi giwuogi e Nying Yesu

Nikech nonwang'o osewachone niya, "In jachien marach, a kuom ng'atni." Eka Yesu nopenje ni, "Nyingi ng'a?" Nodwoke ni, "Nyinga Legion, nikech wang'eny." Noyienigi. Eka jochiende maricho nowuok, modonjo e i mbithe; mi kueth, ma kar rombgi dirom gana ariyo, noringo matek ka maridore nyaka odonjo e nam, mi githo e pi. –Mariko 5.8, 9 gi 13

Ka Yesu noneno oganda ka ringo kaachiell, nokwero jachien ma rach, ni, "In jachien mamomo kendo ma

ite odino, an achiki ni, a kuome, kendo kik idonj kuome kendo nyaka chieng'." Nowachonigi niya, "Jachien ma kamani onge gimoro ma nyalo miye wuok, mak mana kuom lemo." –Mariko 9.25-27 gi 29

...Paulo, mi nolokore mowacho ni jachien niya, "Achiki e nying Yesu Kristo, a kuome." Eka nowuok gi sano. –Tich Joote 16.18

To Yesu nokwere ni, "Ling', a kuome." Ka ne jachien osegoye piny e diergi, noa kuome to ok ohinye. –Luka 4.35

26 E NYING' MOLOYO DUTO, MAR YESU KRISTO

E momiyo Nyasaye ne otig'e kod gik manie piny, kod gik manie malo ahinya, kendo ne omiye bwo piny. –Jo Filipi 2.9, 10
nying' moloyo nying' duto, ni “Kendo gi ma nukwa e nyinga, mondo e nying Yesu gik moko duto natim, mondo omi **Wuoro duong'** ogo chonggi piny, gik ma nie polo, kuom **Wuowi.**” –Johana 14.13

Bang' kawo jaoda kod nyithinda kuom yie mondo adog e Africa mar tiyo ne Kristo, ne achiewo otieno moro ka an kod chuny mar jachien kuoma. Kane atemo keto chonga kuom chonge mondo ane ka en adiera nodhiro chongena koduoko mapiyo gi teko mathoth, kendo notemo ruyore mondo koro ode ng'uta. Ne ayudo thuolo matin mana mar wacho weche adek kende “Kristo yie ikonya!” Mana gikanyo jachiendni nodhi. Bang'e gima kamano pok otima kendo kuom higni 45. Nitie teko miwuoro kuom nying Yesu Kristo moloyogo Satan kod jochiende duto! Luong Nying Kristo kuom warruok kod resruok (Jo Rumi 10.13).

Nyadendi moro chieng' moro nonyisowa gi jaoda ni e kinde mane pod en kar tiegruok, wuoi moro nokawe mondo giriere mwalo kar reru mar gari.

Kane gichopo kamoro, wuoini notemo mondo onege, kotemo paro ni mondo owach ni gari ema onege. Kane nyadendi owuoyo kode e nying Yesu to tekre wuokino norumo mane ok onyal timo gimoro. Kuom Nying Yesu nomiyo owuoth e nyime nyaka gitundo e kar tiegruok.

Nyadendi machielo bende nonysisowa gi jaoda ni e ndalo mane otin, kuom kia noyawo dhoode mar dak ne jogo makoro weche mag hawi. Bang'e jochiende nochako choro kombegi ei ode. Ka en gi luoro noriembo jochiende kuom nying Yesu. Achien nomedo chiwore owuon moromo ni Yesu Kristo.

Kik iwuor bende kik idhi mos ne Satan kata jochiende. Dwarogi en mana ni mondo iyie kodgi kar yie gi Nyasaye. Jakristo moro maduong', mane nigi tuo mar nyosruok kod rondruok mar obwongo nowachona gik mane Satan wachone. Jali nodwaro ni mondo oteme. Nasiemone ni Satan en wuon miriambo kendo ok owinjore ikwan gima owacho ni adier. Ne akwero Satan e Nying maduong' mar Yesu Kristo. Jali nowacho, "Amor kuom bironi otienoni." Nobedo gi kwe kuom Kristo jumbe abich kapok otho.

—Watson Goodman (1920-2002)

OPIM KRISTO GI SATAN

*Kristo e Jachuech ma
en Nyasaye*

Nimar en e ma nochueyo gik moko duto, e polo kendo e piny, gik mineno kod gik ma ok ne, kata gin kombe ruodhi, bet ruoth, joloch kata joteko. Gik moko duto nochue kuom en, kendo nikech en.

–Jo Kolosai 1.16

Kristo chiwo ler gi kuwe

“Mondo oriény ni jo ma obedo e mudho, kendo e tipo mar tho, kendo mondo otawa e yo mokue.”

–Luka 1.79

**Ruodh kuwe owuon mondo omiu
kuwene pile e yore duto....**

–2 Jo Thessalonika 3.16

Jochiende gi Satan ketho

“Jakuo ok bi to mana ni mondo okwal, kendo onegi, kendo okethi....”

–Johana 10.10

“...To yaye! nobed malit ni piny gi nam; nikech Satan oselornu ka en gi mirima maduong'....”

–Fweny 12.12

*Mudho gi chandruok ema
Satan chiwo*

Yor jo maricho chal gi mudho: Gi kiya gi machwanyogi.

–Ngeche 4.19

“...Jamokono bende notho, kendo noyike. Ka ne en e Kar Jo Motho, noting'o wang'e kisande malit....”

–Luka 16.22, 23

Kristo en e adiera

Wach nodoko ringruok, mi nodak e dierwa; ne waneno duong'ne, duong' ka mar Wuowi ma miderma moa ka Wuoro, kopong' gi ng'wono gi adiera. Yesu nowacho ni jo Yahudi ma noyie kuome ni, "Un kusiko e wachna, eka unubed jopuonjrena adier. Kendo unung'e adiera, kendo adiera nomiu bedo thuolo."

—Johana 1.14 gi 8.31, 32

Kristo opong' gi hera

Ma e mwaseng'eyogo hera, nikelch noweyo ngimane nikelch wan; to wan bende onego wawe ngi-

mawa nikelch owete.

—1 Johana 3.16

Satan en wuon miriambo

"Un mag wuonu Satan, kendo gombo mag wuonu e mudwaro timo. En ne en janek nyaka a chakruok, kendo ok ochung' e adiera, nikelch adiera onge e iye. Kowacho miriambo, owacho kaka kido mare obet; nikelch en ja miriambo, kendo en wuon miriambo."

—Johana 8.44

Satan medo achaya

"Ka piny sin kodu, ng'euru ni nosin koda ka ne pok osin kodu."

—Johana 15.18

OPIM KRISTO GI SATAN

Kristo luoko chuny

To kwawuothon e ler, kaka en e i
ler, walalore ng'ato gi ng'ato,
kendo remb Yesu Wuode pwod-
howa kuom richo duto.

—1 Johana 1.7

Kristo golo richo

Omiyo ka koro oseketwa kare
kuom rembe, wanakwo a e mirima
nikech en.

—Jo Rumi 5.9

*Kristo chiwo ngima
manyaka chieng'*

“Mani e ngima mochwere, ni
ging’eyi, in Nyasaye makende
maradier, kod jal ma nioro, Yesu
Kristo.”

—Johana 17.3

Satan chido chuny

Kik uwuondru, ok inyal wuondo
Nyasaye. Gi ma ng'ato chwoyo,
gino bende e ma noka; nikech en
ma chuoyo kuom ringre owuon,
noka top kuom ringuok....

—Jo Galatia 6.7, 8

Satan ywayo ji mondo otim richo

Ng'a ma timo richo en mar Sa-
tan....

—1 Johana 3.8

*Satan tero ji e tho
manyaka chieng'*

“...To ogolo gin nyithind Ng'a
Marachno; jasiguno mochwoyo o-
golo en Satan....Kaka ichoko o-
golo, kendo iwang'o gi mach....”

—Mathayo 13.38-40

En e jatend piny ni sani

“Ok anawach [Yesu] kodu weche
mang’eny kendo, nikech jaduong’
mar piny ni biro, to oonge gi teko
kuoma.”

—Johana 14.30

*Ka gik moko ok dhi maber, to
achaye ni kuom Satan*

Ma ok rieko moa e polo malo, to
en rieko mar piny, mar ringruok,
mar jochiende. Nikech ka ma ich
lit gi piem nitie e kama koko gi tim
kethruok duto nitie.

—Jakobo 3.15, 16

Seche ma Satan oyudo thuolo,
oketho thuolo mar lamo Kristo ratiro.
Ok onyalo ketho chunyi kuom hero
Kristo.

*Bed jadiera ne Kristo
nyaka tho*

Kamano ne gichielo Stefano gi
kite, kolamo Nyasaye, kowacho
niya, “Ruoth Yesu, kaw chunya.”
Eka nogoyo chonge piny, mokok gi
dwol maduong’ niya, “Ruoth, kik
iket richoni kuomgi.” To ka nose-
wacho wachni, nindo notere.

—Tich Joote 7.59, 60

Loch mar Kristo e piny

Lochne gi kuwe ok nowe medore
ameda, kuom komruodh Daudi,
kendo kuom piny ruodhe, mondo
omiye tegno, kendo sire gi bura kod
tim makare nyaka a kawuononi
nyaka chieng’....

—Isaiah 9.7

To koro, owtewa, kuom wach biro Ruodhwa Yesu Kristo, kod chokruokwa kaachel mondo waromne.... Kik ng'ato owuond e yo moro, gi fweny, kata gi wach muwinjo, kata gi barua moro miparo ni mit oa kuomwa. Nikech Chieng'no ok nobi kapok Ng'anjo Mogik obetie, kendo dhano ma chayo chik ofwennyore. En e dhano moket ni keth, jal ma kedo kendo sungore, kokwero gimoro amora miluongo ni nyasaye, kata milamo. Otimo kamano nyaka en owuon obed e hekalu mar Nyasaye, ko-hulore owuon ni en Nyasaye. Eka dhano ma chayo chik nofwenyre,

kendo Ruoth Yesu nonege gi muya moa e dhoge, kotieke gi fwenyruok mar birone. To biro mar dhano ma chayo chik en tich Satan, kendo nobed kod teko duto, gi ranyisi, gi honini mag miriasia.

–2 Jo Thessalonika 2.1, 3, 4, 8, 9

...To Thuol [Satan] malikno nomiye tekone, gi kom duong'ne, kod nyalo maduong'.... Nomiye teko kuom dhoudi duto mag jii, gi ogendini duto, gi dhok duto, gi pinje duto. –Fweny 13.2 gi 7

Ji ne lamo Thuol nikech nomiyo Ondiek tekone; kendo ne gilamo Ondiek bende.... –Fweny 13.4

JOGO MA OK DWAR KRISTO NOKED GI JOGO MALER

33

Eka nowachi weche maricho
kuom Ng'a Ma Malo Chutho, mi
nosand jo maler mag Ng'a Ma
Malo Chutho: kendo nopar mon-
do olok tim piny kod chik; mi
nochiwgi e luete nyaka higa gi hig-
ini gi nus higa. To bura nobedie,
mi ginigole kuom lochne mondo
gitieke giketh lochne nyaka piny
ogik.

—Daniel 7.25, 26

To nomi Ondiek dhok ma wacho
weche mag wuorruok, kod ayany,
kendo noyiene mondo olochi
dueye piero ang'wen gariyo.
Noyanyo Nyasaye, kod nyiny
Nyasaye, kod kar dakne, kod jo

modak e polo. No yiene bende
mondo oked gi jo maler, kendo
ologi; nomiye teko kuom dhoudi
duto mag ji, gi ogendini duto, gi
dhok duto, gi pinje duto. Ji duto
modak e piny nolame, mak mana
jogo ma nyingga ondik nyaka a
chuech piny e kitap ngima mar
Nyarombo ma ne oyang'. Ng'at
man gi it, mondo owinji.

—Fweny 13.5-9

Ked Iweny maber mar yie; mak
ngima mochwere, ma en ngima ma
noluongie, ka nihulo yie mari e
nyim joneno mang'eny.

—1 Timotheo 6.12

KIK ILAM GIGO MAG SANAMU MA JOMA KEDO GI KRISTO OLOSO

*Jatend lemo mar pinyni ema
nokony joma odagi Kristo
wuondo piny.*

Lemo kata tho!

To nowuondo jo modak e piny gi honinigo ma noyiene mondo otim e nyim Ondiek mokwongo. Nochiko jo modak e piny, mondo gilos gi maket gi Ondiegno ma nogo lero mar tho gi ligangla, to nobet mangima. Noyiene mondo omi gi maket gi Ondiek muya mondo owuo, kendo mondo oneg ji duto ma ok lam gi maket gi Ondiegno. To nolo Ondiek, mi omake, kod Janabi Mariambo ma

notimo ranyisi e nyime, ma nowuondogo jo moketnigi kido mar Ondiek, kod jo ma nolamo gi maket kode. Gin ariyogo nowitgi ka gingima e ataro mar ligek mach. –Fweny 13.14, 15 gi 19.20

*Joge Nyasaye odagi
nyiseche mamoko*

“Ne, Nyasachwa mwatiyone onyalo golowa kuom mach ma duong’ malietni; enogolwa e lueti, A ruoth. To, kata ok obet kamano, ing’e ma, A ruoth, ni wan ok wanati ni nyisecheni, kata lamo kido mar dhahabuni misechungo.”

–Daniel 3.17, 18

Mi nomiyo ji duto, jo matindo gi jo madongo, jomwandu gi jochan, jo man thuolo gi jo motue misumbini, mondo giduto oket kuomgi kido e luetegi ma kora chwich, kata e lela wang'gi. Omiyo ng'ato ne ok nyal ng'iewo kata loko, mak mana ka en gi kidono. Kidono ne en nying Ondiek, kata kwan mar nyinge....Kwanne en piero apar auchiel, gi piero auchiel gauchiel.

—Fweny 13.16-18

*Ndalo maber biro ni
jogo mowar*

“...Jogi e jo mowuok e sand maduong’no; giselwoko nenggi,

kendo miyogi doko marachere gi remb Nyarombo. Mano e momiyo gi chung’ e nyim kom duong’ mar Nyasaye, ka gitiyone odiechieng’ gotieno e i Hekalune; to Jal mobet e kom duong’ noumgi gi duong’ne. Ok ginine kech ngang’, kata riyo ok nologi; chieng’ ok nogogi, kendo liet moro ok nowang’gi, nikech Nyarombo manie dier kom duong’ tir nobed jakwadhggi. Kendo notelnigi e sokini mag pi ngima, to Nyasaye noywe pi wang’gi duto.”

—Fweny 7.14-17

Ber dhiyo e polo kidenyo moloyo dhi e tho kiyieng’!

36 GIDUTO GICHOMO KETHRUOK JOGO MALAMO NG'A MA OK DWAR KRISTO KATA MOSE YUDO ALAMA (RANYISI, KIDO) E RINGREGI MONDO GING'IEPI KATA GIUSI

Eka malaika mar adek noluwo bang'gi, kokok matek niya, "Ka ng'ato olamo Ondiek, gi gi maket kode, kendo oyudo kido e lela wang'e, kata e lwete, ng'atno nomadh divai mar mirimb Nyasaye, mool ma onge gimoro moruwego e kikombe mar mirimbe. Nosande gi mach gi kibirit e nyim malaika maler, kendo e nyim Nyarombo.

"To yich sandgi nodum nyaka chieng', kendo otieno godiechieng'

ok nobedie yueyo kuom jogo ma lamo Ondiek gi gi maket kode, kata ng'ato ang'ata moyudo kido mar nyinge."

To nawinjo dwol moa e polo ka wacho niya, "Ndik wechegi, ni, 'Nyaka a kawuono, jo ma tho ka giyie kuom Ruoth gin jo moguedhi.'" Roho bende wacho niya, "Gin jo moguedhi adier, nikech ginyalo yueyo ka giweyo tichgi, nimar timbegi luwo bang'gi."

-Fweny 14.9-11 gi 13

LOCH KUOM KIDO MAR SATAN KOD SANAMU 37 KAPOK MIRIMB NYASAYE OCHOPO E PINY

...Malaika abiriyo noting'o masiche abiriyo. Gin e masiche mogik, nikech mirimb Nyasaye orumo kodgi. Kendo naneno gi machal gi nam mar rang'i, moruwore kod mach. To jogo ma noloyo Ondiek, gi gi maket kode, kod kwan mar nyinge, nochung' e dir nam mar rang'i, ka gin gi thumbe Nyasaye e luetegi. Ne giwero wend Musa jatich Nyasaye, kod wend Nyarombo, ka giwacho niya, "Tijeni dongo kendo miwuoro, A Ruoth Nyasaye Manyalo Duto; Yoreni gi kare kendo adier, A Ruodh ogendini." Eka nawinjo

dwol maduong' moa e Hekalu, kowacho ni malaika abiriyogo niya, "Dhiuru, uol tewini abiriyo mag mirimb Nyasaye e piny."

-Fweny 15.1-3 gi 16.1

Jomaler mane ong'ad ng'utgi obedo joloch

...Naneno bende chuny ji ma nong'ad wig i nikech neno ma ne gitimo kuom Yesu, kendo nikech Wach Nyasaye; gin e jogo ma ne ok olamo Ondiek, kata gi maket kode, kendo ne ok oket kid o lela wang'-gi kata e luetegi. Ne gidoko mangima kendo, mi giloch o kod Kristo higini gana achiel.

-Fweny 20.4

38 ARMAGEDDON, LWENY MA KRISTO BIRO TIEKO

Jochiende choko ji ne Iweny

Chunygi gin jochiende man gi teko mar timo honini. Noorgi mondo gichok ruodhi duto mag piny ngima e Iweny mar chieng' maduong'no mar Nyasaye Manyallo Duto. Kendo chunygo nochoko ruodhigo e ka miluongo gi dho Hibrania ni Har-Magedon.

—Fweny 16.14 gi 16

Kristo owaro pinye kod joge Israel

“Neuru, anatim Jerusalem agwata mar tagruok ni ogendini... To nobedi ni, e ndalono anami Jerusalem obed kaka kidi mapek

ni ogendini duto; ji duto machandorego to nong'olre; mi ogendini duto mag piny nochokre mar kayone e Iweny.” Eka Jehova nowuogi, mi noked gi ogendinigo, mana kaka nokedo e ndalo Iweny. To ma eni e tho ma Jehova nogogo ogendinigo duto ma no kedo gi Jerusalem: ringregi notow mana ka pod gi chungo e tiendegi, weneggi notow gi e kargi, kendo lewgi notow gi e dhogi.

—Zekaria 12.2, 3; 14.3 gi 12

To koro wanawach ang'o kuom wechegi? Ka Nyasaye ni kodwa, ng'ano ma nyalo bet jasikwa?

—Jo Rumi 8.31

Mirimb Nyasaye elore a e polo,
komon gi richo duto gi tim ma ok
kare mag jogo mong'eyo adiera, to
geng'o adiera gi timbegi ma ok
kare.

—Jo Rumi 1.18

To ligangla mabith wuok e
dhoge, mochwowogo ogendini.
Nologi gi ludh nyinyo, kendo
nonyon rabi mar mirima mager
mar Nyasaye Manyalo Duto. En gi
nying'mondik e nangane, kendo e
eme, ni, “Ruodh ruodhi, kendo
Jaduong' mar jodongo.”

—Fweny 19.15, 16

To enolochi nyaka chieng’!

—Fweny 11.15

*Joma keto gi Kristo locho
kuom ndalo matin. Kristo*

*bedo jaloch kuom higni 1,000
kae to nyaka chieng’*

...To ginibed jodolo mag
Nyasaye kod mag Kristo, kendo
giniloch kode kuom higini gana
achielgo.

—Fweny 20.6

“Kendo e ndalo ma ruodhigo
nobedie, Nyasaye manie polo
nochung piny ruoth moro ma ok
norum nyaka chieng’, onge ogan-
da moro ma nobedi gi loch kuom
piny ruodhno....”

—Daniel 2.44

*Oganda duto nolam Kristo
ma Ruoth*

A Jehova, ogendini duto mise-
chwneyo ginibi, mi ginilam e nyimi;
kendo ginimi nyingi duong’.

—Zaburi 86.9

40 SATAN OLO E LWENY E KINDE GI NYASAYE

Eka Iweny nowuok e polo; Mi kael gi malaikane ne keto gi Thuol. Thuol gi malaikane bende nokedo Iweny, to ne ologi: mi kargi ne onge e polo kendo. To nowit Thuol mara ng'ongo piny, ma en Thuol machon, miluongo ni Jachien kendo Satan, ma wuondo piny ngima. Nowite piny, kod malaikane bende. Eka nawinjo dwol maduong' e polo, ka lando niya, "Koro warruok mar Nyasachwa gi tekone gi pinyruodhe osechopo, kendo loch en mar Kristone. Nikech osewit piny Jahang owetewa, ma ne hangogi e nyim Nyasachwa odiechieng' gotieno." –Fweny 12.7-10

"...To yaye! nobed malit ni piny gi nam; nikech Satan oselornu ka en gi mirima maduong', kong'eyo ni ndalone tin." –Fweny 12.12

Gigo miloyogo Iwenyni

"To ne giloye gi remb Nyarombo, kod wach neno ma ne gihulo, kendo ne ok gidewo ngimagi nyaka tho." –Fweny 12.11

Sandruok Satan mochwere

...Kod dalano ma Nyasaye ohero. To mach noa e polo, motiekogi. Kendo Satan ma nowuondogi ne owit e ataro mar ligek mach...kanyo nosandgie odiechieng' gi otieno nyaka chieng'. –Fweny 20.9, 10

Lucifer dine obedo e mor mochwere
to notemo chiko pinyruodh Nyasaye.
(Som Isaiah 14.13, 14 wang' kalatas 3.)

To Ruoth ma en Kristo olocho mochwere

A Jehova, duong' ni mari, gi
teko, gi pak, gi loch, gi luor: nimar
gik moko duto man e polo gi piny
gin meki; A Jehova, pinyruoth ni
mari, kendo oting'i malo ka jatelo
kuom gik moko duto.

–1 Weche mag Ndalo 29.11

Kaka ji duto tho e i Adam,
kamano bende nomi ji duto doko
mangima e i Kristo. Ng'ato ka

ng'ato e kare owuon: Kristo en
nyak mokwongo; bang' mano,
jogo mag Kristo chieng' birone.
Eka chieng' giko nochopi, ka
enochiw pinyruoth ni Nyasaye
Wuoro, kosetieko loch duto, gi
teko duto, gi nyalo duto. Nikech
onego olochi, nyaka oket wasike
duto e bwo tiende. To jasigu
machien mibiro tieko, en tho.

–1 Jo Korintho 15.22-26

Eka malaika mar abiriyo no goyo
tung', to dwol maduong' nokok e
polo niya, "Loch mar pinyini ose-
doko loch mar Ruodhwa, kendo
mar Kristone, to enolochi nyaka
chieng'." –Fweny 11.15

SATAN KOD JOCHIENDE GIN WASIKWA

Satan ketho ringruok, chuny marwako terruok e kind chwo kendgi, nek mar nyithindo mapok onyuol, kod Jochiende momako ji

Kamano chwo bende, koweyo mon, notimo gombogi kendgi; chwo kod chwo, ne gitimo timbe modwanyore, kendo ne guyudo giwegi gir tich mar kethruokgi monego guyudi.

—Jo Rumi 1.27

Nitie gik moko auchiel ma Jehova osingo; Ee, abiriyo ma chunye ojokgo:... Luet ng'a magoyo ji lero kayiem nono.

—Ngeche 6.16, 17

“Eka odhi, okawo jochiende moko abiriyo maricho moloye; mi gidonjo, gidak kanyo; to achien

ng'atno doko, marach moloyo mokwongo....” —Mathayo 12.45

Dwar mana Nyasaye mangima. Kik iluong nyasaye machielo mondo ifweny gik ma dhi timore, mondo isom paro, mondo ochangi e ringri, kata mondo otelni e yor Roho.

Satan, Jang'anyo ne Nyasaye, ema ochung' ne gigi duto. Otiyo kuom ji, buge, gigo minyalo ne, kod dinde mag wound. Gik mogolo nyalo nenore ka honni kendo man gi kony. Mokwongo to oketo ng'ato e tuech kendo omiyo ibedo misumba Satan. Kristo ema nyalo miyi thuolo.

Kik iyie gi roho moro amora ma ok mar Nyasaye. Yie mana kuom Biblia kod Ruodhwa Yesu Kristo.

(*Ne Fweny 19.13.*)

MANG'ENY DHI BIRO KENDO GINIWIUOND JI MANG'ENY

43

*Puonj moro amora magolo ji kaa
e yono madiny mar ng'wono,
lwok, kod warruok kuom remb
Yesu en miriambo kod wuond.*

Yesu nodwokogi ni, “Ritreuru, kik ng'ato omiu lal. Nikech ji mang'eny nobi e nyinga ka giwa-cho niya, ‘An e Kristo,’ kendo gin-imu ji mang'eny lal. Kendo ji mathoth nosieki, ma wuondore ni gin jonabi, mi ginimi ji mang'eny lal.”
—Mathayo 24.4, 5 gi 11

Kaka ne ajawachonu pile, pod awachonu koro kaywak, ni, ji mang'eny wuotho ka gin wasik msalaba mar Kristo. To gikogi

notiekgi chuth. Igi e nyasachgi....
—Jo Filipi 3.18, 19

Weuru mundo owenu

“Nikech kuweyo ni ji richogi, un bende Wuonu me polo nowenu.”
—Mathayo 6.14

Remb Kristo ma nengone tek ema waro ji

Kung'eyo ni nowarou kuom timu manono moa kuom kwereu. Nowarou, ok gi gik...to gi remo ma nengone tek, kaka mar nyarombo ma onge mbala, kendo ma ok ochido, en remb Kristo. Kuom en ne u-doko jo moyie kuom Nyasaye...

—1 Petro 1.18, 19

YAYE, AN NG'AT MA CHANDORE

Nichiko kod teko mar richo

Ni mar wan duto wasedoko ka ng'ato ma ok ler, kendo timbewa makare duto ochal gi lewini motimo chilo: kendo wan duto walal nono kaka oboke; kendo timbewa mamono gigolowa oko kaka yamo.

—Isaiah 64.6

***Rach ne chuny motamore
winjo***

Ma yande nuwuothoe ka uluwo tim jachik pinyni, ruodh teko mar kind polo, ma en chuny ma tiyo koro kuom jogo ma dagi. Wan duto bende, yande ne wawuotho kodgi e gombo mag ringrewa kwa-timo gombo mag ringuok gi mag

paro, kendo kuom timbewa ne owinjore otim kodwa mirima kaka jo mamoko. —Jo Efeso 2.2, 3

***Satan obedo jatend joma
pok owar***

To ka Wach Maber marwa ogeng'ore, ogeng'ore ni jo ma lal: ni mar nyasach pinyni geng'o paro jo ma ok oyie, mondo kik gine ler mar Wach Maber mar duong' mar Kristo, ma en kido mar Nyasaye.

—2 Jo Korintho 4.3, 4

Ei Kristo e ma loch nitie

E momiyo koro bura ok lo jogo manie Kristo Yesu. —Jo Rumi 8.1

“Puodho en piny ngima; kodhi maber, mago gin nyithind pinyruoth; to ogolo gin nyithind Ng'a Marachno.” –Mathayo 13.38

“Un mag wuonu Satan, kendo gombo mag wuonu e mudwaro timo....” –Johana 8.44

Kuom Adam ne wang'anyo ne Nyasaye

“Ng'ato ma ok ni koda en jasika; kendo ng'ato ma ok chok kaachiel koda en ng'a ma keyo.”

–Mathayo 12.30

Ma emomiyo nyaka nywolwa manyien kuom Roho mar Kristo

E momiyo, ka ng'ato obedo e i

Kristo, ochueye ng'a manyien; gik moko machon osekadho, neuru, gik moko duto obet manyien.

–2 Jo Korintho 5.17

“Romba winjo dwonda, kendo an ang'eyogi, kendo giluwa; kendo an amiyogi ngima mochwere....”

–Johana 10.27, 28

Chiwri ne Yesu Kristo sani

... Neuru, koroni e kinde mowin-jore; neuru, koroni e ndalo mar warruok.

–2 Jo Korintho 6.2

To kwahulo richowa, en jadier, kendo en makare omiyo nowenwa richowa, kendo nopwodhwa kuom tim duto ma ok kare. –1 Johana 1.9

LOCH MOCHWERE KUOM KRISTO

Ng'ano ma nopoqwa gi hera mar Kristo? Masira, koso chandruok, sand, kech, duk, gima rach, ligangla? Ooyo! E mago duto waloyo chuth kuom en ma noherowa.

—Jo Rumi 8.35 gi 37

Nikech giduto ma Nyasaye onywolo loyo piny. To locho moseloyo piny e ma eri: yie marwa.

—1 Johana 5.4

Mich en mar jogo molocho

“Ng'at man gi it, mondo owinj gi ma Roho wacho ni kanise. Ng'at molocho, anamiye manna mopandi, kendo anamiye kidi marachar; to e kidino ondikie nyng' manyien,

ma onge ng'ato mong'eyo, mak mana jalo monwang'e.”

—Fweny 2.17

“To ng'at molocho, kendo morito tichna nyaka giko, anamiye teko mundo olo ogendini, kaka an bende nanwang'o teko kuom Wuora.”

—Fweny 2.26

In ng'a maduong' ne Nyasaye.

Kalwari nyiso wachni.

Nyasaye duong' ahinya ne in!

Ok ni wan wawegi waromo, ma dwakwan gimoro ni a kuomwa, to gi ma romowa a kuom Nyasaye.

—2 Jo Korintho 3.5

YIER NG'A MIBIRO TIYONE NYAKA CHIENG' 47

Nenri gi Kristo e duong'ne

To ka osechieru kaachiel gi Kristo, dwaruru gik man malo, ka ma Kristo obet e bad Nyasaye korachwich. Paruru gik man malo, ok gik ma nie piny. Ka Kristo, ma en ngimawa, biro nenore, un bende ubiro nenore kode e duong'. Emomiyo, neguru dhano machon gi timbene, kaka terruok, tim ma ok ler, hera marach, gombo maricho, kod ich lach, (nikech ich lach en lamo nyiseche manono). Mirimb Nyasaye biro nikech wechego.

—Jo Kolosai 3.1, 2 gi 4-6

*Kata iyud kuong' gi Satan
mochwere manyaka chieng'*

“Eka nowach bende ni joma nie bade koracham niya, ‘Ayeuru kuoma, un jo mokwedi, udhi e mach ma nyaka chieng’, moik ni Satan kod malaika mage.”

—Mathayo 25.41

*Jo maricho ginidogi e Sheol, Ee,
ogendini duto ma wigil wil gi
Nyasaye.*

—Zaburi 9.17

“Ka Iweti chwanyi, ng’ade oko;
berni donjo e ngima king’ol,
molojo witi e Gehenna, e mach ma
ok rum, ka in gi Iwedo ariyo.”

—Mariko 9.43

PINYRUODH NYASAYE EN MARI

Bed mamuol

Noluongo nyathi matin ire,
 mochunge diergi, kendo noko
 niya, "Adier awachonu ni, ka ok
 ulokoru, kendo udoko kaka
 nyithindo matindo, ok unudonj e
 pinyruodh polo ngang'. Kamano,
 ng'at modoko mamuol kaka
 nyathi matinni, jalo e ma nobed
 maduong' moloyo e pinyruodh
 polo." –Mathayo 18.2-4

Nyaka a ndalogo Yesu nochako
 yalo, kowacho niya, "Lokuru chun-
 yu; nikeych pinyruodh polo osesudo
 machiegni." –Mathayo 4.17

Lokri iful richoni

E kaka Johana Jabatiso nobiro,

koyalo e thim batiso mar loko
 chuny kuom weyo ni ji richogi.
 Ka nosetue Johana, Yesu nobiro
 Galili, koyalo Wach Maber mar
 Nyasaye, kowacho niya, "Ogik
 kare, kendo pinyruodh Nyasaye
 chiegni; lokuru chunyu, kendo
 yieuru kuom Wach Maber."

–Mariko 1.4 gi 14, 15

"Akonu ni, ooyo; to ka ok uloko
 chunyu, un duto, unulal kamano."

–Luka 13.3

"E momiyo lokuru chunyu,
 kendo lokreuru ni Nyasaye,
 mondo richou owany."

–Tich Joote 3.19

(Lok bath kalatas.)

YIE KRISTO KAKA JAWARNI KAWUONO

Chiwri ne Yesu Kristo

Kwa Jehova mondo oriti e yori; gen kuome bende, mi notimni kaka ikwaye. –Zaburi 37.5

“Nikech Nyasaye nohero piny ahinya, omiyo nochiwu Wuode ma miderma, mondo ng'a ma oyie kuome kik lal, to obed gi ngima mochwere.” –Johana 3.16

Gin to ne giwacho niya, “Yie kuom Ruoth Yesu, eka nikwo gi joodi.” –Tich Joote 16.31

Nyasaye chiwo ratiro mar bedo nyithinde

To giduto ma norwake, nomiyogi teko mondo gibed nyithind

Nyasaye, e jogo ma yie kuom
nyinge. –Johana 1.12

Ful Kristo e lela

Kihulo gi dhogi ni Yesu en Ruoth, kendo kiyie e chunyi ni Nyasaye nochiere a kuom jo motho, noresi. Nikech ng'ato oyie gi chunye mi odoko makare; kendo ohulo gi dhoge, mi irese. Nimar Ndiko owacho niya, “Ng'ama yie kuome, wiye ok nokuodi.” –Jo Rumi 10.9-11

“Awachonu niya, ng'ato ka ng'ato ma hulo nyinka e nyim ji, Wuod dhano bende nohul nyinge e nyim malaika mag Nyasaye.”

–Luka 12.8

Text reprinted from the Bible in Luo, Muma Maler © B.F.B.S 1968, by permission of United Bible Societies Africa Regional Centre, Nairobi, Kenya.

Published in numerous languages by World Missionary Press as God supplies funds in answer to prayer. If you would like more copies for careful distribution, please write to us in English.

**World Missionary Press, Inc.
P.O. Box 120
New Paris, IN 46553-0120 USA**